

REGLUGERÐ

um afnám reglugerða um bann við veiðum út af Deild og Gelti.

1. gr.

Með reglugerð þessari eru felldar úr gildi eftirfarandi reglugerðir: nr. 544, 25. júlí 2002, um bann við línuveiðum út af Deild og Gelti og nr. 779, 14. nóvember 2002, um bann við línu- og handfæraveiðum út af Deild.

2. gr.

Reglugerð þessi er sett samkvæmt ákvæðum laga nr. 79, 26. maí 1997, um veiðar í fisk-veiðilandhelgi Íslands til að öðlast þegar gildi.

Sjávarútvegsráðuneytinu, 3. apríl 2003.

F. h. r.

Jón B. Jónasson.

Kristín Magnússon.

1. apríl 2003

Nr. 233

GJALDSKRÁ

Heyrnar- og talmeinastöðvar fyrir þjónustu við þá sem eru með heyrnar- og talmein.

1. gr.

Viðgerðarþjónusta.

Sjúkratryggður einstaklingur skal greiða gjald fyrir viðgerð á hjálpartæki eftir að ábyrgðartíma lýkur sem hér segir:

- a. Fyrir hverjar byrjaðar 15 mínútur sem tekur að gera við tækið greiðast kr. 500 með virðisaukaskatti.
- b. Fyrir íhluti (varahluti) greiðist kostnaðarverð.

2. gr.

Sérfræðilæknisþjónusta.

Sjúkratryggður einstaklingur skal greiða gjald fyrir sérfræðilæknisþjónustu og rannsóknir samkvæmt reglugerð um hlutdeild sjúkratryggðra í kostnaði vegna heilbrigðisþjónustu.

3. gr.

Greining og meðferð talmeina.

Sjúkratryggður einstaklingur skal greiða gjald fyrir greiningu og meðferð talmeina, komu vegna endurmats hjá talmeinafræðingi og aðrar rannsóknir sem hér segir:

1. Sjúkratryggðir almennt:
 - a. Fyrir greiningu 1.540 kr.
 - b. Einstaklingsmeðferð 1.540 kr.
 - c. Meðferð tveggja sjúklinga samtímis, 1.100 kr. fyrir hvorn sjúkling.
 - d. Hópmeðferð 733 kr. fyrir hvern sjúling.

2. Þeir sem eru 67 ára og eldri, einstaklingar metnir til 75% læknisfræðilegrar örorku, þeir sem fá endurhæfingarlífeyri frá Tryggingastofnun ríkisins, börn með umönnunarkort frá Tryggingastofnun ríkisins, önnur börn yngri en 18 ára og sjúkratryggðir almennt með þjálfunarkort frá Tryggingastofnun ríkisins:

- a. Fyrir greiningu 770 kr.
- b. Einstaklingsmeðferð 770 kr.
- c. Meðferð tveggja sjúklinga samtímis 550 kr. fyrir hvorn sjúkling.
- d. Hópmæðferð 367 kr. fyrir hvern sjúkling.

3. Öðrum, sbr. 2. tölul. en sjúkratryggðum almennt, með þjálfunarkort skal veitt þjónustan að kostnaðarlausu.

4. gr.

Heyrnarrannsóknir á vinnustöðum.

Fyrir heyrnarrannsókn á vinnustað skal greiða kr. 2.200 fyrir hvern einstakling sem mældur er af Heyrnar- og talmeinstöð.

5. gr.

Gjaldistaka.

Gjaldskrá þessi, sem sett er með stöð í 9. mgr. 37. gr. a laga nr. 97/1990 um heilbrigðisþjónustu, með síðari breytingum, öðlast þegar gildi. Frá sama tíma fellur úr gildi gjaldskrá nr. 161/1986 fyrir þjónustu á vegum Heyrnar- og talmeinstöðvar Íslands, með síðari breytingum.

Heilbrigðis- og tryggingamálaráðuneytinu, 1. apríl 2003.

Jón Kristjánsson.

Davíð Á. Gunnarsson.

REGLUGERÐ

**um þátttöku ríkisins í kostnaði við hjálpartæki
fyrir þá sem eru með heyrnarmein.**

1. gr.

Sjúkratryggðir.

Sá sem verið hefur búsettur hér á landi í sex mánuði telst sjúkratryggður nema annað leiði af milliríkjasamningum, sbr. 32. gr. og 9. gr. laga nr. 117/1993 um almannatryggingar. Með búsetu er átt við lögheimili í skilningi lögheimilislaga. Börn og unglingar yngri en 18 ára eru sjúkratryggð með foreldrum sínum. Sama á við um stjúp börn og fósturbörn.

Tryggingastofnun ákvarðar hvort einstaklingur telst sjúkratryggður. Að öðru leyti gildir, um það hverjir teljast sjúkratryggðir hér á landi, reglugerð nr. 463/1999 um framkvæmd almannatrygginga og skráningu í tryggingaskrá.